
ФАРҒОНАДА ХАЛҚАРО НОГИРОНЛАР КУНИ КЕНГ НИШОНЛАНМОҚДА

Вилоятимизда 3 декабрь - Халқаро ногиронлар куни кенг нишонланиб, саховат ва хайрия тадбирлари бўлиб ўтмоқда.

Мамлакатимизда аҳолининг эҳтиёжманд қатламларини, хусусан, ногиронлиги бўлган шахсларни манзилли ижтимоий ҳимоя қилиш давлатимиз сиёсатининг устувор йўналишларидан биридир. Президентимиз томонидан жорий йил 15 октябрда «Ногиронлиги бўлган шахсларнинг ҳуқуқлари тўғрисида»ги қонун имзолангани ҳам юксак эътибор ифодасидир. Қонун билан ногиронлиги бўлган шахсларнинг ҳуқуқларини таъминлашнинг асосий принциплари белгилаб берилди. Халқаро ногиронлар куни муносабати билан меҳр-мурувват ойлигини юқори савияда ўтказилиши бўйича вилоят ҳокимининг фармойиши қабул қилиниб, вилоятдаги “Саховат” ва “Мурувват” уйларига ҳамда ижтимоий ҳимояга муҳтож ногиронлиги бўлган шахсларни моддий-маънавий кўмаклашиш бўйича тадбирлар амалга оширилмоқда.

Жумладан, вилоят ҳудудидаги 270 нафар кўмакка муҳтож шахсларга 144 та ногиронлар аравачаси, 47 дона эшитиш мосламаси, 40 дона қўлтиқ-таёқ, 39 дона ҳасса ҳамда 4 та “Саховат” ва “Мурувват” интернат уйлари учун жиҳозлар туман-шахарларга етказиб берилди.

Ушбу совғалар шаҳар-туман ҳокимликлари ва кенг жамоатчилик вакиллари иштирокида ногиронларга тарқатилди.

Шунингдек, мазкур тадбирлар доирасида 3 декабрь - Халқаро ногиронлар куни муносабати билан якка тартибда уйда таълим олаётган вояга етмаган ногирон ёшларни ҳолидан синфдошлари билан биргаликда хабар олиш, уларга китоблар ва бошқа совғаларни тақдим қилиш ҳамда “Биз бир сафдамиз” чаленжини ижтимоий тармоқларда кенг ёритиш ҳамда иқтидорли, ижодкор ва спорт соҳасида ютуқларга эришган ногиронлар ҳақида туркум кўрсатувлар намоиш этилмоқда.

Фарғона вилояти ҳокимлиги

2020-12-04 17:38:01